



Modern Arabic Language International Center

The All-in-One Arabic Language Center

# العامية الأردنية

العربية للناطقين بغيرها

## الكتاب الثالث

خالد القضاة

[info@maliccenter.com](mailto:info@maliccenter.com)

[www.maliccenter.com](http://www.maliccenter.com)

Mobile: 077 200 88 31

الأردن - عمان



الدرس الأول

# رحلة يوم الجمعة



## التدريب الأول:

### المصطلحات المهمة في النص:

١. بدهم يطلعو رحلة
٢. يوَدِّهم
٣. صحي
٤. صحَّى
٥. تحطِّي
٦. بلَّشوا
٧. الملحمة
٨. مشاوي
٩. طابة
١٠. الخُضار
١١. ناول
١٢. سوَّا
١٣. لمَّوا

## التدريب الثاني:

### استخدم هاي الكلمات بجمل مفيدة:

يوديهـم	بدهـم يـطـلعـو رحـلة
يـودـيـهـم	بدهـم يـطـلعـو رحـلة
تـحـطـي	صـحـى
تـحـطـي	صـحـى
الـمـلـحـمة	بـلـشـوا
الـمـلـحـمة	بـلـشـوا
الـخـضـار	طـابـة
الـخـضـار	طـابـة
لـمـوا	سـوا
لـمـوا	سـوا
بـرـوـحـو	الـجـو
بـرـوـحـو	الـجـو
مـبـسـوط	بـلـعـبـوا
مـبـسـوط	بـلـعـبـوا
يـزـقـفـوا	يـغـنـوا
يـزـقـفـوا	يـغـنـوا

التدريب الثالث:

جاوب على الأسئلة حسب ما فهمت من النص:

١. وين راح أبو محمد و عيلتو؟

---

٢. ليش راحو هناك؟

---

٣. شو طلب أبو محمد من أم محمد؟

---

٤. وين وقف أبو محمد عالطريق و ليش؟

---

٥. شو اشترى أبو محمد لبنتو ليلي و ليش؟

---

٦. شو اشترى أبو محمد لبنتو ليلي و ليش؟

---

٧. مين غسّل الخُضار؟

---

٨. مين جهّز اللحمة و الجاج للشوي؟

---

٩. مين عمل السلطنة؟

---

١٠. كيف كان الأكل؟

---

١١. وين راحو محمد و ليلي؟

---

١٢. شو عملت أم محمد بعد الغدا؟

---

١٣. متى روّحت عيلة أبو محمد؟

---



## رحلة يوم الجمعة

### النص

اليوم يوم الجمعة، وعيلة أبو محمد بدهم يطلعو رحلة. قرّر أبو محمد انه يوديهم  
ع السلط. الجو هناك كثير حلو و الشجر بجئن. بروحو بقعدو عند هالشجرات و  
الولاد بلعبو و الكل بكون مبسوط. صحي أبو محمد الصبح و صحى كل العيلة.  
\_أبو محمد: محمد ياأبا، يلا قوم ما بدنا نتأخر.

ليلى ياأبا، يلا قومي ساعدي أمك بترتيب الأغراض.

أم محمد، لا تنسي تحطي الشاي زي المرة اللي فاتت.

\_أم محمد: لا لا هيني حطيتو بالكيس أول إشي عشان ما أنساه زي المرة  
الماضية. ولك يا ليلى قومي يمّا تعاللي ساعديني!

قام محمد و قامت ليلى، أفطروا و بلشو يساعدو أمهم و أبوهم بالتجهيز للرحلة.  
عالطريق، وقّف أبو محمد عند الملحمة و اشترى لحمة مشان يعمل مشاوي  
لأولاده، و راح كمان اشترى جاج لانو ليلى مش كثير بتحب اللحمة.

\_أبو محمد: ليلى ياأبا، هيني جببتك جاج مشان اشويك اياه لانى بعرفك ما  
يتحبي اللحمة كثير.

\_ليلى: شكراً بابا، الله يخليلي اياك!

\_أبو محمد: محمد، بذك إشي ياأبا اشتريلك اياه؟

\_محمد: بدي طابة مشان ألعب فيها أنا و ليلى.

\_أبو محمد: أحلى طابفة لأحلى محمد.

كَمَلت العيلة طريقها، و طول الطريق كانو يغنو و يزقفوا و كانو كتير مبسوطين.  
كانو كمان يتفرجو ع الخَصَار لأنه الدنيا وقتها كانت ربيع و كانت كل الأرض  
خَضرا. كان منظر كتير بجَنّ. لَمّا وصلو عالمكان اللي بدهم إياه، لقيو شجرة  
كبيرة و ظلها كبير، و راحو قعدوا تحتها. طالو كل الأغراض من السيارة و  
حطوهم تحت الشجرة.

بَلّش أبو محمد يجهّز النار و راحت أم محمد تجهّز اللحمة و الجاج عشان  
الشوي. ليلي راحت تغسل الخُضار مشان يعملو سلطة و محمد كان يساعد أمه  
بتجهيز اللحمة.

\_أبو محمد: أم محمد، يلا هاتي هاللحمت، النار صارت جاهزة.

\_أم محمد: محمد يمّا ناول اللحمة لأبوك خليه يشويها.

بَلّش أبو محمد يشوي اللحمة و الجاج، و راحت أم محمد مشان تعمل السلطة. و  
لَمّا خَلصو، قعدو كلهم سوا و أكلو. الأكل كان كتير زاكي و العيلة كانت  
مبسوطة. راحت ليلي و محمد يلعبو بالطابفة الجديدة. عملت أم محمد بريق شاي  
و كان كتير زاكي. عند المغرب، لَمّو أغراضهم و رَوّحو.

الدرس الثاني

# في الإجازة



## التدريب الأول:

### المصطلحات المهمة في النص:

- ١ - بوجهك على
- ٢ - إنت من عظام الرقبة
- ٣ - أسعارهم طرية
- ٤ - بناخذ لفة
- ٥ - النزلة الجاي
- ٦ - زي ما بتعرف
- ٧ - ولا يهمك
- ٨ - شوف علي

## التدريب الثاني:

### استخدم هاي الكلمات بجمل مفيدة:

بوجهك على	بناخذ لفة	ولا يهملك
إنت من عظام الرقبة	النزلة الجاي	شوف علي
أسعارهم طرية	زي ما بتعرف	نازل
أموري	استأجرت	صرت خبرة
نخيم	أرتب	قريب
رح يخلص	إجازتي	نفطر
بتاخذ	يا ريت	ما شفت

التدريب الثالث:

جاوب على الأسئلة حسب ما فهمت من النص:

١. مع مين حكى "مارك"؟

---

٢. مين نازل على عمان؟

---

٣. متى رح ينزل "بيتر" على عمان؟

---

٤. إحكي شوي عن إجازة "بيتر"؟

---

٥. مين رتب أمور "بيتر"؟

---

٦. شو مخطط "مارك" "البيتر"؟

---

---

---

٧. "بيتر" رح ينزل مرة ثانية؟

---

---

---

٨. شاف "بيتر" كل الأماكن بالأردن؟

---

---

---



## في الإجازة

### النص

مارك: ألو مرحبا "بيتر" متى نازل على عمان؟

بيتر: يوم الخميس بس ما بعرف شو رح أعمل؟ وكيف رح أرتب أموري؟ إجازتي قصيرة أسبوع زي ما بتعرف.

مارك: ولا يهملك أنا اللي بالأردن خمس سنين فبتقدر تقول إني خلص صرت أردني... شوف "علي" أول ما تنزل من المطار بتاخذ تكسي... وبوجهك على الجببية هناك أنا استأجرت إلك استوديو قريب مني لأنك إنت من عظام الرقبة....وبعدها رح أكون عاملك منسف أردني صرت خبرة فيه.... ثاني يوم بدنا نروح على وسط البلد وهناك رح نفطر بهاشم ونوكل كنافة من حبيبة ونتغدا بجفرا وبعد المغرب بنروح على المدرج الروماني والساحة الهاشمية... ولازم نروح ثلاث أيام رحلة على البترا والعقبة ونخيم بوادي رم ... وهيك بكون ضل عنا يومين يوم بنروح على جرش وبنوكل من مطعم اسمه بوابة جرش أسعارهم طرية... واخر يوم بناخذ لفة بشارع الرينبو وعبدون ... يبي رح يخلص الأسبوع ولسا ما شفت إشي من الأردن يا ريت لو كانت إجازتك طويلة في كثير أماكن كنت حاب اخذك عليها.

مارك: خلص النزلة الجاي إن شاء الله بتكون أطول.



## الدرس الثالث

# في التكملي



## التدريب الأول:

### المصطلحات المهمة في النص:

- ١- مش قابلة
- ٢- صايرة بالمرّة و مش نافعة
- ٣- عاشت الأسامي
- ٤- لا تحط ببالك
- ٥- مغلبتاك
- ٦- كاسرة ضهري
- ٧- الشهادة بضل سلاح بإيدهم
- ٨- متعتّر بحياتي
- ٩- أكوّن حالي
- ١٠- لف
- ١١- تدخّل
- ١٢- حقّك علينا
- ١٣- صُف

التدريب الثاني:  
استخدم هاي الكلمات بجمل مفيدة:

شو مالها	توصلني	خربانه
مستعجل	مش قابله	شو بعرفني
مصاريف	متجوز	ثلث ساعة بالكثير
هيني لسة	أجمع قرشين على بعض	بشتغل شغلة
معلش	قديش بتاخذ بالشهر	لف عالشمال
توصيلة	صّف عندك	حقك علينا

التدريب الثالث:

جاوب على الأسئلة حسب ما فهمت من النص:

١. ليش علي وقّف تكسي؟

---

٢. شو مالها سيارة علي؟

---

٣. شو رأي السايق عن سيارات هالأيام؟

---

٤. ليش السايق سأل علي عن اسمه؟

---

٥. شو جاوب السايق علي لمّا سألّه عن الوقت اللي بياخده الطريق؟

---

٦. شو جاوب علي لمّا سألّه السايق عن حالته الاجتماعية؟

---

٧. شو حكي علي عن المصاريف؟

---

٨. شو رأي السايق بالشهادة؟

---

٩. شو السؤال اللي أزعج علي؟

---

١٠- شو طلب علي من السايق لما المكان المطلوب؟

---

١١- قديش طلعت الأجرة؟

---

١٢- شو حكي علي قبل ما ينزل و شو رد عليه السايق؟

---



## في التكري

### النص

اليوم الساعة ٨ الصبح علي كان بده يروح بسيارته علي الشغل بس لقاها خربانة، فوقف تكسي.

علي: يعطيك العافية، ممكن توصلني على جبل عمان؟  
السايق: الله يعافيك، اه على طريقي، اتفضل اطلع.

علي: على راسي!

السايق: شو مالها سيارتك؟

علي: شو بعرفني.. من الصبح و هي مش قابلة تشتغل، مع إنها امبارح ما كان مالها إشي..

السايق: أنا عارف يا عمي! هم السيارات هالأيام صايرة بالمرّة و مش نافعة..  
صار الواحد يخدمها أكثر من ما بتخدمه..

علي: اه والله معك حق!

السايق: اه صحيح، شو اسمك؟

علي: نعم؟!؟

السايق: شو اسمك؟ بدنا نتعرّف على حضرتك.

علي: اسمي علي.

السايق: يا أهلاً أخ علي، عاشت الأسامي.

علي: قديش بتاخذ الطريق وقت لحتى نوصل؟ أنا مستعجل كثير

السايق: ما تقلق و لا تحط ببالك!.. ثلاث ساعة بالكثير و بنكون واصلين..  
طيب ما حكيتلي، إنت متجوز؟  
علي: اه متجوز.  
السايق: و كم ولد عندك؟  
علي: عندي ولدين و بنتين.  
السايق: ما شاء الله! و كم أعمارهم؟  
علي: عندي اتنين كبار بالجامعة، و اتنين أصغر منهم بالمدرسة.  
السايق: الله يخليك اياهم.. و كيف مصاريفهم مغلبتك؟  
علي: اه والله كاسرة ضهري، بس شو بدنا نعمل لازم نعلمهم، الشهادة بضل سلاح بإيدهم في المستقبل.. و إنت شايف العيشة صايرة صعبة..  
السايق: اه والله مزبوط، شوفني أنا، ما معي شهادة و متعتر بحياتي!  
كل شهر أو شهرين بشتغل شغلة و مش عارف أجمع قرشين على بعض و لا عارف أكون حالي... و هيني لسة مش متجوز.  
علي: الله يفرجها عليك!  
السايق: و شو بتشتغل؟  
علي: طيب بس لف عالشمال لو سمحت ... أنا بشتغل محاسب.  
السايق: ماشي، وقديش بتاخذ بالشهر؟  
علي: ليش بتسأل؟  
السايق: خلص أسفين يا عمي على التدخل، حقك علينا!  
علي: طيب ماشي، معلى صُف عندك .. رح أنزل هون..  
السايق: ماشي يلا..

علي: قديش الأجرة؟  
السائق: طلع عدّادك ٣ دنانير و ٧٥ قرش.  
علي: اتفضل، و شكراً عالتوصيلة.  
السائق: تسلم حبيبي، عفواً.



الدرس الرابع

# في المطعم



## التدريب الأول:

### المصطلحات المهمة في النص:

١. أخذ- بياخذ نظرة

٢. مليون

٣. مختار(ة)

٤. حجز طاولة

٥. جنب الشباك

٦. خفيف

٧. فطيرة

٨. عبين ما

٩. طلب (طعام)

١٠. شبعان

١١. بيشهي

١٢. ماشي حاله

١٣. فليفة

١٤. فطر

١٥. زاكي

## التدريب الثاني

استخدم هاي الكلمات بجمل مفيدة:

بتكون من	حجم كبير
قدم	وجبة
علبة مي	المعدة
زاكي بيشهي	شبعان
ماشي حاله	جنب الشباك
مبسوط	غرسون
لو سمحت	جاع
عبين ما	جهّز
	بيكفي
	بيلاقي



التدريب الثالث:

جاوب على الأسئلة حسب ما فهمت من النص:

١- متى راحت اللىسا عالمطعم؟

---

٢- مع مين راحت اللىسا عالمطعم؟

---

٣- وين المطعم؟

---

٤- ليش المطعم كان مليون طلاب؟

---

٥- شو حكى اللىسا للمحاسب؟

---

٦- شو حكى المحاسب لـ اللىسا؟

---

٧- ليش طلبت اللىسا فطيرة خضار؟

---

٨- شو مكونات فطيرة الخضار؟

---

٩- شو شربت اللىسا مع الوجبة؟

---

١٠- قديش دفعت الليسا؟

---

١١- ليش طلب مارك بيتزا حجم كبير وسلطة ويببسي؟

---

١٢- شو طلب مارك كمان؟

---

١٣- وين لاقت الليسا ومارك الطاولة؟

---

١٤- شو عملو عيين ما يجي الاكل؟

---

١٥- متى اجا الغرسون وجابلهم وجباتهم؟

---

١٦- شو طلبت الليسا كمان من الغرسون؟

---

١٧- شو حكي مارك عن البيتزا وشو حكى الليسا عن عجينة الخضار؟

---

١٨- كيف روحو من المطعم؟

---

## في المطعم

النّص:

راحت الليسا مع صاحبها وصاحباتها عالمطعم بعد ما خلصت دروسها في مركز مالك. المطعم قريب من الجامعة الأردنية. المطعم كان مليان طلاب من الجامعة لأنو الوقت كان موعد الغدا. الليسا أخذت نظرة على الوجبات اللي يقدمها المطعم, بس كانت محتارة شو تطلب.

سألت الليسا المُحاسب: بدي أطلب شي خفيف عالمعدة, ممكن تساعدني؟

المُحاسب: طبعا, عنا فطيرة خضار زاكية وبرضو خفيفة عالمعدة.

الليسا: بقدر اعرف شو مكونات فطيرة الخضار؟

المُحاسب: اه أكيد, هي عبارة عن فطيرة مكونة من خضرة كتيرة مثل البندورة والفليفلة والبصل وفطر و جزر.

الليسا: مم طيب, بدي واحد فطيرة خضار.

المُحاسب: بتحبي تشربي معها إشي؟

الليسا: عصير برتقال لو سمحت.

المُحاسب: تمام, خمسة دنانير لو سمحتي. وعشر دقايق وبتجهز الوجبة.

الليسا: تقصّل.

"مارك" صاحب الليسا كان جوعان كتير فطلب بيتزا حجم كبير وسلطة و علبة بيبسي حجم كبير.

ولما سألو المُحاسب إذا بدو يطلب أي شي تاني, حكالو مارك : اه بدي كمان  
علبة بطاطا ومايونيز لو سمحت.

راحت الليسا ومارك عشان يحجزو طاولة. مع إنو كان في أزمة كتير بالمطعم  
بس قدرت الليسا و مارك يلاقو طاولة كبيرة جمب الشباك بتكفيهم كلهم. اجو باقي  
صحابهم بعد ما طلبو وجباتهم. قعدو يحكو عن كلمات جديدة تعلموها في مركز  
مالك عبين ما يجي الاكل. بعد ربع ساعة إجا الغرسون وجابلهم وجباتهم.

حكت الليسا: شكرا إلك, بس ممكن أطلب كمان علبة مي.

الغرسون: طبعا

مارك: ما أزكى البيتزا بتشهني. كيف فطيرة الخضرا زاكية؟

الليسا: اه ماإشي حالها. بس بدها شوية ملح.

بعد ما خلصو الغدا, طلعو من المطعم وهم مبسوطين وشبعانيين.

## الدرس الخامس

# في محل الأواعي



## التدريب الأول:

### المصطلحات المهمة في النص:

١. موديل / موديلات
٢. جلد
٣. جوخ
٤. لبق / بلبق
٥. سادة
٦. مقلم
٧. خلص / بيخلص
٨. خمري
٩. فستقي
١٠. خصم
١١. مرتب
١٢. هكل / بيهكل - (هم)
١٣. راضية

التدريب الثاني:

استخدم هاي الكلمات بجمل مفيدة:

اشترى / يشتري / جاكيت / جاكيتات / شتوي

طويل / موضة / لون / ألوان

بني / ممكن أشوف..؟ / قميص / قمصان

أزرق فاتح / أيًا؟ / كذا إشي

زبونة المحل / لعيونك / اختار / بيختار

سعر / أسعار / طلع / بيطلع



التدريب الثالث:

جاوب على الأسئلة حسب ما فهمت من النص:

١- وين صار هالحوار؟

---

٢- شو بدها تشتري؟

---

٣- شو موضة السنة؟

---

٤- شو نوع الجاكيتات اللي عنده؟

---

٥- ايش الألوان المتوفرة؟

---

٦- أيا لون اختارت؟

---

٧- ليش اختارت هاللون؟

---

٨- اختارت جاكيت جلد واللا جوخ؟

---

٩- شو طلبت تشوف غير الجاكيتات؟

---

١٠- ايش قياسها؟

---

١١- شو ألوان القمصان الموجودة؟

---

١٢- شو بتتوقع البننت من البيّاع؟

---

١٣- حسب رأيك ،لازم تهتم بموضوع الأسعار؟ ليش؟

---

## في محل الأوعي

### النص

- يعطيك العافية.
- يا هلا، الله يعافيكى.
- لو سمحت بدي اشترى جاكيت شتوي طويل. شو الموديلات اللي عندك؟
- والله موضة السنة الجاكيتات الطويلة. في جاكيتات جلد وفي جاكيتات جوخ. وفي كل الألوان تقريباً بس ألوان السنة البني والأخضر. شو بتحبي تشوفي؟
- بفضل اللون البني.. عشان بيلبق مع كتير ألوان تانية. ممكن اشوف واحد جوخ "حجم وسط"؟
- تفضلي.
- يسلمو إيديك..
- طيب ممكن اشوف شو عندك قمصان؟
- بدك إشي سادة واللا مقلّم؟ "حجم وسط" برضو؟
- اه حجم وسط. ياريت يكون سادة أزرق فاتح.
- والله الأزرق خالص. بس ضايل خمري وفستقي. تشوفي أيا واحد فيهم؟

- الفستقي لو سمحت. هلاً بتوقع منك عملي خصم مرتب عشان اشتريت كذا إشي. هادا غير اني زبونة المحل أنا باجي دايماً.
- اه لعيونك. ولو. المحل كلو إلك. اختاري اللي بيعجبك وما تهكلي همّ الأسعار. ما بتطلي الا راضية ان شالله.

## الدرس السادس

# في المطار



## التدريب الأول:

### المصطلحات المهمة في النص :

١. لا تواخذني

٢. الحال من بعضه

٣. قلبي مو مرتاح

٤. الصحيح ولا ابن عمه

٥. بيركض ورا رزقه

٦. مو حاببله

٧. وضعه ممتاز

٨. ازبط وضعي

٩. ماكلين هوا

١٠. غاد

## التدريب الثاني :

### استخدم هاي الكلمات بجمل مفيدة:

لا تواخذني	مدير علاقات عامة	هون
الحال من بعضه	بالمرة	شو رايح تعمل؟
قلبي مو مرتاح	بنيني	برا الأردن
الصحيح ولا ابن عمه	أول مرة بحياتي	السلام عليكم
بيركض ورا رزقه	مُصِرّ	صايرة صعبة
مو حاببله الغربية	هالأيام	شو بدي أعمل
وضعه ممتاز	الله يعين الشباب	ما في شغل
ازبط وضعي	طالعة	شركة كبيرة
ماكلين هوا	يطول بعمرك	بركب طيارة
غاد	الله بعين	الله كريم



التدريب الثالث:

جاوب على الأسئلة حسب ما فهمت من النص:

١- وين بدو يسافر أبو محمد؟

---

٢- ليش أبو محمد بدو يسافر؟

---

٣- ليش أبو محمد مو مرتاح للسفرة؟

---

٤- شو رايح عمر يعمل بدبي؟

---

٥- شو حكى عمر عن الحياة والشغل؟

---

٦- شو بيشتغل ابن أبو محمد؟

---

٧- شو رأي أبو محمد بشغل ابنه؟

---

## في المطار

### النص

أبو محمد: السلام عليكم يا بني

عمر: وعليكم السلام ورحمة الله وبركاته

أبو محمد: لو سمحت هاي الطائرة يلي طالعة على دبي يعني من هون بندخل

على الطائرة؟

عمر: اه يا عمي من هون

أبو محمد: لا تواخذني يا بني بس أنا أول مرة بحياتي بطلع برا الأردن و أول مرة

بركب طائرة يعني ما بعرف إشي و قلبي مو مرتاح لهسفرة كلها بس شو بدي

أعمل ابني مصر لا أروح ازوره غاد.

عمر: الله يخليك اياه يا رب ويطول بعمرك

أبو محمد: إنت شو رايح تعمل بدبي؟

عمر: والله يا عمي رايح أشتغل وأزبط وضعي بتعرف الحياة صايرة صعبة كثير

هالأيام و ما في شغل بالمره والشباب ماكلين هوا.

أبو محمد : والله الحال من بعضه أنا ابني بيشتغل مدير علاقات عامة بشركة

كبيرة ووضعه ممتاز بس مع هيك أنا مو حاببله الغربية بالمرّة.

عمر : والله يا عمي بدك الصحيح ولا ابن عمو ؟

ما حدا مرتاح هالأيام ووكل واحد بيركض ورا رزقه الله يعين الشباب

أبو محمد : الله كريم يا ابني



الدرس السابع

# في مكتب التذاكر



التدريب الأول:

المصطلحات المهمة في النص:

١. الدرجة الخاصة

٢. الدرجة السياحية

٣. ترانزيت

٤. ذهاب وإياب

٥. مباشرة

٦. من عيوني

٧. يزيدك عافية

٨. أسعار نار

٩. أشوى

١٠. مدام

## التدريب الثاني

استخدم هاي الكلمات بجمل مفيدة:

بيطلعوا	يزيدك عافية	يعطيك العافية
كثر الله خيرك	بدي	تكرم عيونك
أشوى	أسعار نار	زبونتنا
شو بتكلف؟	ذهاب وإياب	ترانزيت
بخدمتك	مدام	التذكرة
أحسن بكتير	للأسف	خصم
درجة سياحية	درجة خاصة	أكيد طبعا



التدريب الثالث:

جاوب على الأسئلة حسب ما فهمت من النص:

١. وين بعدها تسافر سارة؟

---

٢. كم طيارة في يوم الأحد؟

---

٣. أي ساعة بتطلع طيارة يوم السبت؟

---

٤. كم بتكلف التذكرة على الدرجة الخاصة؟

---

٥. كم نسبة الخصم يلي أخذته سارة؟

---

٦. ليش عمل الموظف خصم لسارة؟

---

## في مكتب التذاكر

### النص

سارة : يعطيك العافية

الموظف: الله يزيدك عافية تفضلي كيف بقدر أساعدك ؟

سارة: لو سمحت بدي أحجز تذكرة طيران من عمان لكولامبور يوم الأحد .

الموظف : تكرم عيونك مدام في طيارتين بيطلعوا يوم الأحد وحدة بتطلع من

عمان لدبي و من دبي لكولامبور وهاي الساعة ١٠ الصبح يوم الأحد و الثانية

بتطلع من عمان للدوحة و من الدوحة لكولامبور وهاي الساعة ٥ العصر .

سارة : ما بدي أسافر ترانزيت ما في طائرة بتروح دايركت /مباشرة من عمان

لكولامبور

الموظف : يوم الأحد للأسف ما في، في يوم السبت طائرة بتطلع مباشرة من

عمان الى كولامبور على الخطوط الجوية القطرية الساعة ٨ المساء.

سارة : ممتاز و شو بتكلف هاي التذكرة ؟

الموظف: ذهاب وإياب ؟

سارة : أكيد طبعاً

الموظف : ١٢٠٠ دينار على الدرجة الخاصة و ٩٥٠ دينار على الدرجة

السياحية بس بما إنه حضرتك زبونتنا وبتسافري معا دائما إلك خصم ١٠ %.

سارة : أوف هاي أسعار الدرجة الخاصة نار احجزلي لو سمحت تذكرة على

الدرجة السياحية أشوى وكثر الله خيرك على الخصم .

الموظف: لا ولو مدام إحنا بخدمتك .



الدرس الثامن

# في المكتب العقاري



التدريب الأول:

المصطلحات المهمة في النص:

١- مكتب عقاري

٢- سمسار/سماسرة

٣- عمولة

٤- قابل للتفاوض

٥- المساحة

٦- عقد إيجار

٧- صاحب عمارة

٨- مستأجر/مستأجرين

٩- إمكانية (تحمل نفقة)

١٠- ممنون

## التدريب الثاني

استخدم هاي الكلمات بجمل مفيدة:

مساحة	قريبة	مكتب عقاري
أشهر	صاحب عمارة	شقة/شقق
فصل دراسي	مستأجر	بدور على
جرب	عقد	سمسار
مقديماً	عمولة	يضل
أجرة	سافر	غالبية
بخصوص	خليجي	ضروري



التدريب الثالث:

جاوب على الأسئلة حسب ما فهمت من النص:

١. شو صار مع أحمد بخصوص الشقة؟

---

٢. شو اقترح فراس عليه؟

---

٣. ليش أحمد ما بده يروح على مكتب عقاري؟

---

٤. ليش أحمد ما بده يتعامل مع السماسرة؟

---

٥. فراس مين بيعرف؟

---

٦. مين المستأجرين؟ وليش رح يسافروا؟

---

٧. شو مواصفات الشقة اللي بده إياها فراس؟

---

٨. ليش فراس بده يستأجر شقة وكم المدة اللي رح يضل فيها؟

---

٩. صاحب العمارة شو ممكن يطلب من فراس؟

---

١٠. العمارة موجودة بأي منطقة؟

---

١١. شو سلبيات السكن المشترك؟

---

## في المكتب العقاري

### النص

فراس: أحمد؟ شو بتعمل هون بالمكتب العقاري؟

أحمد: كنت بدور على شقة استأجرها .

فراس: وشو صار معك بهاالخصوص ؟

أحمد: ولا إشي لسا بدور ومش لاقى إشي مناسب اللي.

فراس: يعني ما لقيت ولا شقة فاضية ما ساعدك المكتب

أحمد: في شقة بس كثير كبيرة إيجارها غالي وكمان الاجراءات طويلة.

فراس: طيب ليش ما تشوفلك سمسار أو مكتب عقاري تاني بيساعدوك بهاالإشي.

أحمد: أنا ما بعرف مكاتب عقارية هون جربت مرة رحت على واحد بس الشقق

اللي عنده كثير غالية وغير قابلة للتفاوض لأنه هلاً صيف وفترة إجازات وفي

كثير سياح وخليجيين والسماصرة بيطلبوا عمولة كبيرة وأنا مش إمكاني.

فراس: طيب إذا هيك أنا بعرف صاحب عمارة وفي عنده مستأجرين خليجيين

خلص عقد الإيجار تبعهم ورح يسافروا شو رايبك أحكيك معه.

- أحمد: يا ريت والله، ومش ضروري تكون مساحة الشقة كبيرة إنت بتعرف أنا لحالي وبس رح أضل ٦ أشهر عشان الفصل الدراسي .
- فراس: ماشي رح أحكي معه بس بتوقع إنه رح يطلب تدفع اجرة شهرين مقدماً .
- أحمد: ما في مشكلة بس المهم تكون منيحة وقريبة على الجامعة لأنه بتعرف أنا ما بحب اخذ سكن مشترك عشان أركز بدراستي .
- فراس: من هاي الناحية اتطمئن العمارة بمنطقة قريبة عالجامعة وفيها خدمات كتير يعني ما رح تتغلب.
- أحمد: إذا هيك بكون ممنونك كتير.
- فراس: أنا رح أحكي معه اللיום وبشوف شو بصير وبردلك خبر .

الدرس التاسع

# استئجار سيارة



## التدريب الأول:

### المصطلحات المهمة في النص:

- ١ - تكرم عينك
- ٢ - زبون
- ٣ - ميزانية
- ٤ - مطابق
- ٥ - التأجير
- ٦ - رخصة السواقة
- ٧ - نضمن
- ٨ - أعطال
- ٩ - مسبق

## التدريب الثاني:

### استخدم هاي الكلمات بجمل مفيدة:

لمدة	استأجر	يعطيك العافية
شوية	معلومات	أستفسر
لو سمحت	استخدام	مواصفات
عدد	أنواع	من ناحية
بعدين	ركاب	غرض
ورجى	ميزانية	الصحرا
هوية	عروض	أسعار
بيحتاج	جواز سفر	حرية الاختيار



التدريب الثالث:

جاوب على الأسئلة حسب ما فهمت من النص:

١. كم شخص في بهالحوار؟

---

٢. شو بدو الزبون؟

---

٣. لإيمتى بدو يستأجر السيارة؟

---

٤. شو طلب الزبون من الموظف؟

---

٥. شو كان جواب الموظف؟

---

٦. ليش لازم الموظف يعرف الهدف من استخدام السيارة؟

---

٧. ليش التقرير مهم؟

---

٨. في تأمين ع السيارة؟ شو نوعه؟

---

٩. ايمتى دوام مكتب تأجير السيارات؟

---

## استئجار سيارة

### النّص

- يعطيك العافية.
- الله يعافيك
- لو سمحت بدي استأجر سيارة لمدة أسبوعين وبدي أستفسر عن كل المعلومات.
- تكرم عينك. أول إشي بنسأل الزبون شوية أسئلة عن مواصفات السيارة اللي بده إياها.. من ناحية نوعها، قوتها، عدد ركابها، الغرض من استخدامها، انه بس في المدينة أو رحلة في الصحرا، وهيك.. وطبعاً عن ميزانية الزبون للسيارة مشان الأسعار.
- بعدين بنورجيه عرض بكل السيارات المطابقة لكل المواصفات وبنتركه حرية الاختيار.
- وبعد ما يختار السيارة المناسبة إله؟
- بعدها بنبدا بمعاملة التأجير. بنحتاج هوية أو جواز سفر الزبون، وورخصة السواعة، وبنطلب منه يعبي طلب أجرة سيارة. آخر خطوة بنبعث واحد من الموظفين مع الزبون ليورجيه السيارة ويسجل تقرير بحالتها. هادا مهم عشان نضمن عدم وجود مشاكل أو أعطال فيها. وبعد التقرير بيستلم الزبون مفتاح السيارة.

- في تأمين ع السيارة؟
- اه أكيد. كل السيارات عنا عليها تأمين مسبق ضد الحوادث.
- تمام. اي ساعة بقدر أمرّ على مكتبكم؟
- دوامنا من الساعة ٩ الصبح كل يوم للساعة ١١ المسا. يا أهلاً وسهلاً فيك بأى وقت.
- أشكرك. يومك سعيد.

## الدرس العاشر

# سهرة شباب



## التدريب الأول:

### المصطلحات المهمة في النص:

١. مش فارق معي
٢. بالمرة
٣. جوّ / أجواء
٤. مش ناقصين
٥. رطوبة
٦. برّاد
٧. الشوي
٨. شدّة
٩. أرجل / بيأرجل
١٠. ما عندي مانع
١١. حيّة
١٢. أو أبصر شو
١٣. كّفّي / بيكّفّي
١٤. جدع

التدريب الثاني:

استخدم هاي الكلمات بجمل مفيدة:

انبسط/ بينبسط

نغيّر جوّ

سهر / بيسهر

ما حدا

لطيف

اختار / بيختار

مخيم

الدنيا

شوب

خبرة

طلع / بيطلع (النا)

لعب / ييلعب

جاي / جاينين

مين ومين؟

جاب / بيحبيب

السهرة

السلطة

مسؤول



التدريب الثالث:

جاوب على الأسئلة حسب ما فهمت من النص:

١. وين رح يسهرو الشباب؟

---

٢. شو أهم إشي بالسهرة؟

---

٣. كيف لازم يكون الجو؟

---

٤. رح يروحو ع البحر الميت؟ ليش؟

---

٥. وين الجو برّاد؟

---

٦. شو رح يعملو في عجلون؟

---

٧. ليش لازم يكون المكان قريب من الشارع؟

---

٨. مين اللي عنده معلومات أحسن من الباقيين؟

---

٩. بكم سيارة رح يروحو؟

---

١٠. مين رح يروح هالرحلة؟

---

١١. شو رح يجيبو معهم على الرحلة؟

---

١٢. مين رح يهتم باللحمة؟

---

١٣. متى رح يطلعوا؟

---

## سهرة شباب

### النص

- شو يا شباب. وين رح نسهر الليلة؟
- والله أنا مش فارق معي المكان بالمرة. المهم نغير جو وننبسط.
- وأنا كمان مش فارق معي المكان. بس بيفرق معي الجو. اختارولنا مكان  
جوه لطيف. ما حدا يحكي ع البحر الميت لأنو الدنيا شوب ومش  
ناقصين رطوبة كمان!
- تروحو ع عجلون؟ هناك الدنيا بزاد. بنعمل مخيم في غابة وبنلعب شدة  
وبنأرجل للصبح.
- ما عندي مانع. بس بدنا مكان قريب ع الشارع مش زي هديك المرة. يروح  
يطلعنا حية أو أبصر شو.
- بنحكي مع سعد هو خبرة بهيك أماكن. ومنه بجيب سيارته لأنه سيارتين  
مش رح يكفو الكل.
- ليش مين ومين رايح؟
- أنا حكيت مع كل الشباب وكلهم جايبين.
- طيب منيح. أنا رح أجيب الأراجيل والفحم. حدا يكون مسؤول عن اللحمة  
والشوي.
- لا أنا رح أهتم بالشوي وأعمل السلطة. مش جايب إشي.

- طيب خلص خلص أنا بحكي مع هشام بنهتم احنا باللحمة.
- أيوة هيك. جدع! اسمعو كلامي طول السهرة. اي ساعة بدنا نطلع؟
- كمان ٣ ساعات؟ منيح؟
- ماشي أنا موافق.
- أوكي. بشوفكم.

الدرس احدا عش

توجيهي



التدريب الأول:

المصطلحات المهمة في النص:

١. مبسوط = مكيف

٢. ألف مبروك

٣. منها للأعلى

٤. مش مصدقين حالهم

٥. زفة

٦. بطلعلك = بتستاهل

٧. يا حرام

٨. حمل مادة

٩. جاية من المريخ

١٠. هيك نصيبه

١١. شد حيله

١٢. بدي أستأذن منك

التدريب الثاني:

استخدم هاي الكلمات بجمل مفيدة:

طمني	درس	ليش هيك
طلعت	سجّل	اللي
نجحت	كأنها	حكيت
زعلت	مسكين	إياه
جبت	الجاي	متقائل
يعملولي	زهق	هسه
عرفت	أتكاسل	أستأذن



التدريب الثالث:

جاوب على الأسئلة حسب ما فهمت من النص:

١. ليش اتصل سعيد بعلاء؟

---

٢. شو طلعت نتيجة علاء؟

---

٣. شو العبارة اللي حكاها سعيد عشان يهنئ علاء بنتيجته؟

---

٤. قديش جاب سعيد بالتوجيهي؟

---

٥. شو شعور أهل سعيد؟

---

٦. شو بدهم يعملوا أهل سعيد؟

---

٧. شو حكي علاء لسعيد بعدما عرف نتيجته؟

---

٨. عن مين سأل علاء سعيد؟

---

٩. شو حكي سعيد عن نتيجة رامي؟

---

١٠. شو المادة اللي حملها علاء؟

---

١١. ليش رامي ما نجح مع إنه درس منيح؟

---

١٢. شو العبارة اللي حكاها سعيد عشان ينهي المكالمة و يروح؟

---

١٣. شو قصد سعيد لما حكي (بشوفك بحففتي لليوم المسا)؟

---

١٤. شو الرد على عبارة (بدي أستأذن منك)؟

---

## توجيهي

### النص

سعيد: ألو، مرحبا علاء

علاء: أهلين سعيد

سعيد: طمني شو طلعت نتيجتك؟

علاء: الحمد لله نجحت، والله مبسوط ومكيّف جبت (٦، ٨٨)

سعيد: ألف مبروك، منها للأعلى

علاء: و إنت شو صار معك؟

سعيد: و أنا كمان نجحت و جبت (٩٥)، وأهلي مش مصدقين حالهم

و بدهم يعملولي زفة وحفلة

علاء: والله بطلعك (بتستاهل)، ألف مبروك... طيب عرفت شو صار مع رامي؟

سعيد: أه رامي ما نجح يا حرام! والله زعلت عليه كثير، حمل مادة الرياضيات

علاء: له له! ليش هيك؟! مع إنه درس منيح، و سجل بمركز كمان

سعيد: ما إنت عارف كانت الأسئلة كأنها جاية من المريخ

علاء: شو بده يعمل؟ مسكين! هيك نصيبه... بس إذا شد حيله الفصل الجاي

و ما زهق وما اتكاسل أكيد رح ينجح

سعيد: هاد اللي حكيته اياه و هو متقائل... أنا هسه يا حبيبي بدي أستأذن منك،

و بشوفك بحفلي اليوم المسا

علاء: إذناك معك، وأكيد بتشرف

سعيد: أهلا و سهلا فيك.. يلا سلام

علاء: سلام

الدرس اتنا عش

# في الجامعة



## التدريب الأول:

### المصطلحات المهمة في النص:

١. مش شايف قدامه
٢. ليش قالب خلقتك؟
٣. الأسعار بالعلالي
٤. هاي الفكرة معششة براسي من زمان
٥. ما في زي هواها وغلاوة ترابها
٦. يلعن أبو الشيطان وساعته
٧. صار معاه مصاري بلاوي
٨. إنت عندي بالدنيا
٩. برضاي عليك
١٠. بدو تفكير بتأني
١١. أبعثلك مصاري

## التدريب الثاني:

### استخدم هاي الكلمات بجمل مفيدة:

مش شايف قدامه	هاي الفكرة معششة	صار معاه
إنت عندي بالدنيا	براسي من زمان	مصاري بلاوي
برضاي عليك	أبعثك مصاري	الأسعار بالعلالي
يلعن أبو الشيطان	بتأني	مش وضع
ندمان	مكشر	زي بعضها
زعلان	مش حياة	



التدريب الثالث:

جاوب على الأسئلة حسب ما فهمت من النص:

١. وين راح أحمد؟

---

٢. ليش راح أحمد على وحدة القبول والتسجيل؟

---

٣. ليش بطل أحمد يكمل دراسته؟

---

٤. شو سألته إمه لما روح؟

---

٥. شو رأي أحمد بالوضع بهاي البلد؟

---

٦. شو قرر أحمد بعد ما روح؟

---

٧. وين بده يهاجر؟ وليش؟

---

٨. شو رأي إمه بقراره؟

---

٩. مين سأل أحمد عن شروط الهجرة والوضع بكندا؟

---

١٠. شو نصحه سامي؟

---

١١. شو كان قرار أحمد الأخير؟

---

## في الجامعة

### النص

راح أحمد على وحدة القبول والتسجيل بالجامعة الأردنية عشان بدو يكمل دراسته, أحمد طالب متفوق ومعدله امتياز بالباكالوريوس , بس لما عرف عن سعر الساعة وكم رح تكلفه دراسة الماجستير بطل وروح زعلان ومكشر ومش شايف قدامه سألته امه :شو مالك يما شو في؟ ليش قالب خلقتك؟

أحمد: ولا إشي يا حجة بس والله الوضع بهاي البلد صعب ,بروح بدوي أسجل ماجستير بلاقي الأسعار بالعلالي ,بروح أدور ع شغل يا بدهم خبرة سنتين يا إما الراتب ما بكفيني مواصلات لحالها شو هاظ مش حياة مش وضع ,خلص يما أنا قررت بدوي أهاجر

إمه:تهاجر! لوين يما كل الدول زي بعضها

أحمد:لأ يما صاحبي سامي هاجر على كندا وطول نهاره بنزل صور على الفيس عنها إشي بجنن

وبتعرفي يما سامي مش شاطر بالدراسة وهسا صار معاه مصاري بلاوي

إمه: لمين تتركني أنا وخوانك؟ شو بدو يصير فينا؟ يما برضاي عليك فكر مرة تانية إنت عندي بالدنيا إنت قرار زي هيك بدو تفكير بتأني.

أحمد: خالص أنا هاي الفكرة معششه براسي من زمان ....وهسا صار وقت التنفيذ... لا تخافي يما رح اصير أبعثك مصاري كل شهر .

سأل أحمد سامي عن الوضع بكندا وشو شروط الهجرة .  
حكاية سامي: نصيحة من أخ لأخوه خليك بعمان ما في زي هواها وغلاوة ترابها ,  
لو مهما قست عليك بتضل هاي عمان أمك من لما كنت صغير وأحياناً الأم  
بتكون قاسية مع ولادها لمصلحتهم , الوضع هون مش أحسن من اللي عندك ,  
بس عندك على الأقل بتكون بين أهلك وناسك, أنا ندمان كتير وما بدى يصير  
معك نفس الإشي  
أحمد: اه والله يلعن أبو الشيطان وساعته , أنا إذا بروح على العقبة بحس بغربة  
كيف لما أكون بكندا شو بدو يصير فيا.

الدرس ثلاثا عش

# العنف الجامعي



## التدريب الأول:

### المصطلحات المهمة في النص:

١. طوشة
٢. سبب تافه
٣. عملوها قصة
٤. تخلصوهم من بعض
٥. الفرعة
٦. كبرت الشغلة
٧. مش عارفين نتحرك
٨. من وراهم
٩. بعدين مع هالقصة
١٠. إذا وقفت
١١. مش طبيعي
١٢. ما بنسكت عليه
١٣. اختصروا الشر

## التدريب الثاني:

### استخدم هاي الكلمات بجمل مفيدة:

عنف	يرمي	بتخلص
يسبب	متقنين	عرفتوا
كره	روحت	محاضرات
عيل	حجارة	خافين
مخاسر	شوارع	حالتها
ذنب	برد	مزبوط
بالمرة	بدناش	اتضرروا
شباب	نصايح	انضرب
	عمايل	تنشر



التدريب الثالث:

جاوب على الأسئلة حسب ما فهمت من النص:

١. ليش اليوم يزن خلص محاضراته بكير؟

---

٢. شو سبب الطوشة اللي صارت؟

---

٣. شو قصد ماجد لما حكي (ما عرفتوا تخلصوهم من بعض)؟

---

٤. ليش يزن والشباب ما عرفوا يخلصوا الشبين من بعض؟

---

٥. كيف أثرت الطوشة على يزن و شباب الجامعة؟

---

٦. شو علق ماجد على وضع الطوشة؟

---

٧. شو صار بالشباب و البنات بسبب الطوشة حسب ما حكي يزن؟

---

٨. شو الأشياء اللي استخدمها الشبين و فزعتهم بالطوشة؟

---

٩. كيف وصف ماجد هاد الوضع؟

---

١٠. شو حكى ماجد عن اللي بعملوه شباب الجامعة؟

---

١١. شو قصد ماجد لَمَّا حكى (هاد الوضع ما بنسكت عليه)؟

---

١٢. شو بحكي الأشخاص للشباب اللي بعملوا طوش عن هاد الموضوع؟

---

١٣. شو بكون رد الشباب على هاد الحكي؟

---

١٤. شو يعني (ناس مجوبنين)؟

---

١٥. حسب رأي ماجد، شو بتسبب عمایل هدول الشباب للعالم؟

---

١٦. حسب رأي ماجد، شو لازم تعمل إدارة الجامعة، و ليش؟

---

## العنف الجامعي

### النّص

شو يزن بشوفك هون، بتخلص محاضراتك بكير الليوم؟  
لا بالعادة ما بخلص بكير، بس الليوم صارت طوشة بين شبين على سبب تافه  
و عملوها قصة.

طيب ما عرفتوا تخلصوهم من بعض؟

لا ما عرفنا لأنه صحاب هدول الشبين اتصلوا بقرايبهم و إجت الفرعة و كبرت  
الشغلة كثير،

و مش عارفين نتحرك و لا نروح على كلياتنا و لا محاضراتنا من وراهم.  
بعدين مع هالقصة اللي بتصير كل شهر! يعني إذا همّ مش خايفين على حالهم  
في ناس بتخاف على حالها منهم.

اه والله مزبوط هالحكي. يعني الليوم في شباب و بنات اتضرروا بسببهم و  
انضربوا

بالحجارة اللي كانوا يرموها.

بسيطة إذا وقفت على حجارة...

لا مين قلك وقفت على حجارة، في منهم كان معهم سلاح و لهيك أنا روّحت  
بسرعة.

عند مش طبيعي هاد الوضع، إذا شباب الجامعة المثقفين بعملوا هيك شو ضل  
لأولاد الشوارع! لازم حدا يحكي معهم، لأنه هاد الوضع ما بنسكت عليه.  
ما هو أي حدا يحكي معهم بهاد الموضوع وبحكيلهم اختصروا الشر، برّدوا عليه  
إنه بدناش نصايح من ناس مجوبنين.  
همّ اللي بخلوا العالم تحس بالخوف بسبب عمايلهم.  
لازم إدارة الجامعة تعمل إشي، و تنتشر الوعي بين الشباب، لأنه العنف الجامعي  
بسبب الكره بين العيل في الأردن، و بسبب مخاسر كبيرة لناس ما إلها ذنب  
بالمرة.

## الدرس أربعتا عش

# مواصفات شريك حياتك



## التدريب الأول:

### المصطلحات المهمة في النص:

١. وجهة نظرهم
٢. نكدية
٣. راضية بنصيبتها
٤. تَطَلَّب كثير
٥. لسانها قصير
٦. نتساعد بمصاريف الحياة
٧. بنت ناس
٨. منفتح عالحياءة
٩. ما يدق على كل شي
١٠. وضعه المادي منيح
١١. روح الفكاهة
١٢. ما يتجاهلني

## التدريب الثاني:

### استخدم هاي الكلمات بجمل مفيدة:

عنيد	مؤدبة	أعزائي
مناسبات	مثقف	نحكي
يشارك	مجتمع	تقرير
بحلم	بشتغل	برنامج
طموح	نتساعد	مواصفات
متدين	غني	نزلنا
اجتماعي	عصبي	بتفضّل
صبور	قنوع	مخلّص



### التدريب الثالث:

جاوب على الأسئلة حسب ما فهمت من النص:

١. شو اسم البرنامج اللي بناقش مواضيع مهمة مع الشباب؟

---

٢. شو موضوع تقرير اليوم؟

---

٣. شو عمل المقدم وفريق العمل؟

---

٤. شو حكي المقدم للشب الأول اللي شافه بالشارع؟

---

٥. شو اسم الشب الأول و شو وظيفته؟

---

٦. شو سأل المقدم أحمد؟

---

٧. شو المواصفات اللي حكاها أحمد؟

---

٨. شو قصد أحمد لما حكي: "تكون مخلصه توجيهي"، "راضية بنصيبيها"،

"لسانها قصير"؟

---

٩. شو اسم الشب الثاني و شو وظيفته؟

١٠. ليش إبراهيم بهمه إنه تكون شريكة حياته متعلمة و مثقفة؟

١١. حسب رأي إبراهيم، ليش إذا كانت شريكة حياته بتشتغل بكون أحسن؟

١٢. ليش بهتم إبراهيم إنه تكون شريكة حياته مربية و بنت ناس؟

١٣. شو اسم البنت الأولى اللي قابلها المقدم و شو وظيفتها؟

١٤. شو المواصفات اللي حكها نادين؟

١٥. ليش بتتمنى نادين إنه شريكها يتذكر المناسبات دائماً؟

## مواصفات شريك حياتك

النص:

مرحباً أعزائي المشاهدين، لليوم رح نحكي بهاد التقرير عن موضوع مهم من برنامج "شو رأيك؟"، و موضوعنا هو "شو مواصفات شريك حياتك؟" و نزلنا عالشارع أنا و فريق العمل و سألنا الشباب والصبايا لحتى نعرف وجهة نظرهم.

(١): مرحباً، ممكن تعرفنا عن حالك؟

أهلاً، أنا أحمد، محاسب بشركة.

أهلاً فيك أخي أحمد، ممكن تحكيلنا عن مواصفات شريكة حياتك اللي بتفضلها؟ من المواصفات المهمة عندي إنه تكون البنت حلوة، و مش نكدية بالمرّة، و تكون مخلصّة توجيهي، و قنوعة و راضية بنصيبيها، و ما تطلب كثير، و طبعاً تكون مؤدبة و لسانها قصير.

(٢): إبراهيم\_مهندس مدني.

بصراحة أنا بهمني إنها تكون متعلّمة و مثقفة و تفهمني لأنني بدي أعيش معها لآخر العمر، ويكون إلها دورها بالمجتمع و شخصيتها، وإذا كانت بتشتغل بكون منيح عشان نتساعد بمصاريف الحياة، وأكيد بهمني إنها تكون مربيّة و بنت ناس عشان هيّ اللي رح تربّي أولادي بالمستقبل.

(٣): نادين\_ طالبة جامعية.

بتمنى يكون شريك حياتي غني و منفتح عالحياء، و تكون شخصيته حلوة، وما يكون عصبي ولا عنيد، و ما يدق على كل إشي، و دائماً يتذكر المناسبات عشان يجييلي هدايا، و يشاركني معاه لكل أمور حياتنا.

(٤): نور\_معلمة.

المواصفات اللي بحلم فيها إنه يكون الشب متعلّم و طموح و متدين و وسيم، و وضعه المادي منيح، و يكون اجتماعي، و عنده روح الفكاهة، و يكون صبور، و بهتمّ فيّ، و بحب يسمعني و ما يتجاهلني.

## الدرس خمستا عش

# ترتيبات قبل العرس



## التدريب الأول:

### المصطلحات المهمة في النص:

١. لساتك بالبلد!
٢. طالع بتراكض
٣. حقك على راسي
٤. أعطيني راسك أحب عليه
٥. راضيه عني
٦. روح يمّا الله يرضى عليك دنيا واخرة
٧. لويش
٨. هديك الخطرة
٩. الله ببسر الأمور
١٠. الله يقدرني وأردلكو هاد المعروف
١١. الله يخليلي اياكو وما يحرمني منكو

## التدريب الثاني:

### استخدم هاي الكلمات بجمل مفيدة:

لساتك بالبلد!	أعطيني راسك	الله يقدرني وأردلكو
	أحب عليه	هاد المعروف
طالع بتراكض	راضيه عني	هديك الخطرة
حقك على راسي	روح يمّا الله يرضى	الله بيسر الأمور
	عليك دنيا واخرة	
وينك	الله يخليلي اياكو	ما بتكفي
	وما يحرمني منكو	
خلصنا	ضاييل	أشياء كثير
نقينا	أجل	تجيب



التدريب الثالث:

جاوب على الأسئلة حسب ما فهمت من النص:

١. بشو سامر مشغول؟

---

٢. كيف راضى سامر إيمه؟

---

٣. شو دعتله إيمه؟

---

٤. وين وصل سامر بترتيبات العرس؟

---

٥. من شو سامر خايف؟

---

٦. بشو سامر بفكر أحياناً؟

---

٧. شو بدهم أهله ايجيبولو؟

---

## ترتيبات قبل العرس

### النص

إم سامر: وينك يما لساتك بالبلد ! وين ما بنشوفك كل يوم مشغول يا إما نايم يا طالع بتراكض

سامر: والله حقك على راسي يا حجة.... أعطيني راسك أحب عليه.... راضيه  
عني هيك

إم سامر: روح يما الله يرضى عليك دنيا وآخرة... وين وصلت بترتيبات العرس  
سامر: والله يا حجة خلصنا دهان الأسبوع الماضي.... وبقينا غرفة نوم  
.... ومطبخ... بس والله يما اني خايف المصاري اللي معي ما تكفي... لسا  
ضاييل علي أشياء كثير... أحياناً بفكر أجل موعد العرس

إم سامر: له يما لويش التأجيل... الله ببسر الأمور.. آه نسيت أحكيك هديك  
الخطرة خواتك حكولي وحدة بدھا تجيب التلفزيون ووحدة الغاز واخوانك واحد  
الثلاجة والثاني المايكرويف و أنا و أبوك الغسالة.

سامر: الله يخليلي إياكو وما يحرمني منك يا رب... والله يقدرني وأردلكو هاد  
المعروف

الدرس ستاعش

# العرس وعاداته



## التدريب الأول:

### المصطلحات المهمة في النص:

١. لازم تقضوا حالكم

٢. ما رح ألحق

٣. مش رايقة

٥. جاي عبالي

٦. من زمان عنه

٧. عيلة مظاهر

٨. أجامل العالم

٩. تعال على حالك

١٠. نأدي الواجب

١١. رأيي من رأيك

١٢. غصب عني

١٣. أسدّ النقوط

١٤. سلف و دين

## التدريب الثاني:

### استخدم هاي الكلمات بجمل مفيدة:

معروف	سهرة	معزومين
بضل	ما بصير	عرس
يطخوا	قرايب	عندي
مستعدّ	اشتريت	بعد بكرة
أعرّض	أرقص	مصالح
خطر	أتغدى	يضيع
معلش	بديش	كل إشي
مجاملات	تخرج	على الأقل

التدريب الثالث:

جاوب على الأسئلة حسب ما فهمت من النص:

١. شو حكت أم حمزة لأولادها؟

---

٢. شو يعني (فضوا حالكم)؟

---

٣. ليش رشا ما بتقدر تروح عالعرس؟

---

٤. ليش حكت أم حمزة إنه رشا لازم تروح على سهرة الليوم؟

---

٥. ليش رشا ما بدها تروح عالسهرة؟

---

٦. ليش جمال رايح عالعرس عالأكيد؟

---

٧. شو اسم الرقصة الشرقية اللي بده يرقصها جمال مع الشباب؟

---

٨. شو الأكلة اللي رح ياكلها جمال بالعرس، وليش حابب ياكلها؟

---

٩. ليش حمزة ما بده يروح عالعرس؟

---

١٠. شو وصف حمزة عيلة ابن عمته؟

---

١١. شو العادة اللي بتعملها عيلة ابن عمه حمزة بالحفلات؟

---

١٢. ليش حمزة ما بحب هالعادة؟

---

١٣. شو سألت أم حمزة أبو حمزة؟

---

١٤. شو رأي أبو حمزة بالروحة على العرس؟

---

١٥. شو قصد أبو حمزة بكلمة (نقوطة)؟

---

١٦. شو رأي أبو حمزة بالعادات بين الناس بالدنيا؟

---



## العرس وعاداته

### النص

أم حمزة: يا أولاد، إحنا معزومين بكرة على عرس ابن عمتم، لازم تقضوا حالكم.

رشا: بس ماما أنا عندي امتحان بعد بكرة، و إذا رحتم رح يضيع الوقت كله و ما رح أدرس كل إشي.

أم حمزة: طيب على الأقل روجي على سهرة اليوم، عيب ما بصير ما تروحي، لأنك من القرايب المقربين للعريس.

رشا: ما بدي أروح على السهرة لأنني ما اشتريت فستان جديد، و كمان مش رايقة لجو الحفلات بالمرة.

جمال: يا سلام! أنا رايح على الأكيد، عشان بدي أدبك مع الشباب للصبح، و أتغدى منسف، والله جاي عبالي! من زمان عنه!

أم حمزة: و إنت يا حمزة؟

حمزة: أنا بديش أروح

أم حمزة: ليش ما بدك؟

حمزة: لأنه هالعيلة معروف عنها عيلة مظاهر، بضلوا يطخوا بحفلاتهم، و أنا مش مستعد أعرض حياتي للخطر عشان أجامل العالم.

أم حمزة: معلى يا ابني، تعال على حالك شوي، لازم نأدي الواجب، ما بصير ما نروح،

والله عيب!... و إنت يا أبو حمزة رايح و لآ شو؟

أبوحمزة: أنا رأيي من رأي حمزة، بس غضب عني لازم أروح، عشان أسدّ النقط اللي دفعوه لابنك جمال لما تخرج من الجامعة.

أم حمزة: هي هيك الدنيا، كلها مجاملات و مصالح و سلف ودين!

## الدرس سبعتا عش

# مصاريؑ



## التدريب الأول:

### المصطلحات المهمة في النص:

١. مصاريف
٢. الراتب
٣. التزامات
٤. شو النا و شو علينا
٥. قسط
٦. عطول
٧. مواد تنضيف
٨. مواد تموينية
٩. أواعي
١٠. النقوط
١١. فواتير المي
١٢. فواتير الكهربا

## التدريب الثاني

استخدم هاي الكلمات بجمل مفيدة:

التزامات	الراتب	مصاريف
عطول	قسط	شو النا و شو علينا
أواعي	مواد تنضيف	مواد تموينية
قاعدين	فواتير المي	النقوطة
نخلي	غسل السيارات	وقعت
نسيت	اشترتلك	نعبني

التدريب الثالث:

جاوب على الأسئلة حسب ما فهمت من النص:

١. قديش لينا و سامي صارلهم متزوجين؟

---

٢. كم راتب سامي؟

---

٣. شو أول شي لازم يعملوه؟

---

٤. كم قسط مدرسة الأولاد؟

---

٥. شو ناقص على لينا؟

---

٦. شو بدها لينا تشتري للمطبخ؟

---

٧. كم بدها لينا حتى تشتري الأغراض اللي بدها اياهم؟

---

٨. شو في بعد أسبوعين؟

---

٩. شو لازم يشترو؟

---

١٠. شو بدهم يعطو العريس؟

---

١١. كم طلعو فواتير المي الكهربيا؟

---

١٢. قديش بدهم يعطو حارس العمارة و ليش؟

---

١٣. شو لازم يعملو مشان اشتراك التلفون و الإنترنت؟

---

١٤. دفعو حق فستان لينا اللي اشترتو بنت خالتها رانيا؟

---



## مصاريؑ

### النص

سامي و لينا متزوجين من ٧ سنوات و كانوا قاعدين عم يتناقشوا كيف بدهم يقسمو الراتب لهاد الشهر. في عندهم كتير التزامات و مصاريؑ للبيت و الأولاد. و هلاً، قاعدين عم يفكرو كيف بدهم يقسمو مصاريؑهم و التزاماتهم. راتب سامي ١٢٠٠ دينار بالزبط.

\_سامي: لينا، أنا استلمت الراتب. تعاللي نشوف شو النا و شو علينا.

\_لينا: يلا منيح انك استلمتو مشان عنا كتير أشياء بدنا نعملها. أول إشي و مهم كتير أنا نعملو إنو ندفع قسط مدرسة الأولاد.

\_سامي: آه و الله هاد أول إشي لازم نعملو! قسط المدرسة ٢٠٠ دينار بدفعهم عطول.

\_لينا: عنا كمان أغراض البيت، ناقص عليّ مواد تنضيف و مواد تموينية كمان. و بدي أشتري برداية جديدة للمطبخ بدل اللي وقعت.

\_سامي: يعني قديش بكلفو هدول؟

\_لينا: أعطيني ٤٠٠ دينار لإلهم و بخلصهم كلهم. و عنا كمان عرس ابن عمك مراد بعد أسبوعين، بدي اشتري للأولاد أواعي جداد و لازم أنا و إنت كمان نشتري أواعي للحفلة. و كمان ما تنسى النقوط للعريس لأنه عمرو ما قصر معنا.

ـ سامي: اه و الله منيح ذكرتيني. فعلاً مراد ما عمرو قصر معنا و الله بيستا هل

كل خير. طيب قوليلي فواتير المي و الكهرباء شو وضعهم؟

ـ لينا: فواتير المي والكهربا طلعو ٧٥ دينار. و بدنا كمان ندفع لحارس العمارة

١٠ دنانير عشان غسل السيارات.

ـ سامي: و بدنا كمان نخلي مصروف يمشينا لآخر الشهر و نعبي اشتراك التلفون

و ندفع كمان اشتراك خط الإنترنت. ضلّ إشي تاني هيك؟

ـ لينا: لأ هيك بنكون عارفين و عاملين كل إشي.

ـ سامي: طيب و بنت خالتك رانيا، بتزكر اشتراكك فستان جديد. دفعنا لها حقّو؟

ـ لينا: اه اه إنت دفعت حقو الشهر الماضي ٤٠ دينار. شو نسيت؟

ـ سامي: يلا منيح أنا دافعينو. متأكدة هيك ما ضلّ إشي؟

ـ لينا: اه اه خلص هيك خلصنا كل إشي.

## الدرس تمانتاعش

# الأسعار



## التدريب الأول:

### المصطلحات المهمة في النص:

١. هلا وغلا
٢. حبيبنا اللزم
٣. بشوفك يا حب
٤. السعر طاير طيران
٥. مش هيك بالعلالي سعره
٦. الله يعينكم يا زم
٧. كله كوم...كوم ثاني
٨. شو بدنا نساوي
٩. عزومة على شرف...

التدريب الثاني:

استخدم هاي الكلمات بجمل مفيدة:

كله كوم ...كوم ثاني

السعر طاير طيران

هلا وغلا

شو بدنا نسأوي

مش هيك بالعلالي سعره

حبيبنا اللزم

عزومة على شرف...

الله يعينكم يا زم

بشوفك يا حب

ما صدقت

أغلى

التقوا

مستحيل

خلينا

ضحكتتي

نزلت

مش عارف

التدريب الثالث:

جاوب على الأسئلة حسب ما فهمت من النص:

١. مع مين حكى أنس؟

---

٢. مين بكون وائل بالنسبة لأنس؟

---

٣. متى راجع وائل؟

---

٤. مين بده يجيبه من المطار؟

---

٥. وين التقى وائل وأنس بعد أسبوع؟

---

٦. شو سأل أنس وائل؟

---

٧. شو رأي وائل بالوضع بعمان؟

---

## الأسعار

### النص

أنس: ألو...مرحبا وائل كيفك يا ابن خالتي ؟ متى راجع يا زلمة؟ خalina نروح نجيبك من المطار.

وائل: هلا وغلا...حبيبنا اللزم أنس..أنا راجع ان شاء الله يوم الثلاثاء الساعة وحدة...بشوفك يا حب.

راح أنس وجاب وائل من المطار وبعد أسبوع...التقوا بعزومة على شرف رجعة وائل من السفر

أنس : كيف عمان معك؟ و كيف شفتها؟

وائل: أنا قرأت انو عمان أغلى عاصمة بالشرق الأوسط و افريقيا بس ما صدقت...حكيت مستحيل عمان تقسا على ولادها بس هسا إتأكدت إنو الخبر صح

أنس: ضحككتني يا زلمة وكيف إتأكدت؟

وائل: يا زم سعر البنزين طائر طيران....لا والا الدخان مش هيك بالعلالي سعره...كله كوم وضريبة المطاعم كوم ثاني...الله يعينكم يا زم مش عارف كيف عايشين هون.

أنس : شو بدنا نساوي الله بعين...خالينا نروح هي المناسف نزلت.



## الدرس تسعتا عش

# بدنا نرحل



## التدريب الأول:

### المصطلحات المهمة في النص :

بدنا نرحل

يوسعنا

منطقة هادية

كل شي يكون بمكانو

فطبول

أصواتهم واصلة لآخر الدنيا

يعوي

برج إتصال

الحارس

شاوروا

## التدريب الثاني:

### استخدم هاي الكلمات بجمل مفيدة:

منطقة هادية	يوسعنا	بدنا نرحل
أصواتهم	فطبول	كل شي يكون بمكانو
واصلة لآخر الدنيا	برج إتصال	يعوي
الحارس	لهيك	شاوروبا
يرحل	يعتمدو عحالهم	ندور
نلاقي	بأثر	يرتاح
ننام	حكي	إجى
اسأل		

التدريب الثالث:

جاوب على الأسئلة حسب ما فهمت من النص:

١. ليش فؤاد و سناء بدهم يرحلو؟

---

٢. كم عدد أولاد فؤاد و سناء؟

---

٣. ليش بدهم يفصلو الأولاد عن بعض؟

---

٤. شو مشكلة المنطقة اللي ساكنين فيها؟

---

٥. شو قررت شركة "أورانج" تعمل؟

---

٦. شو أثر هاد القرار على السكان؟

---

٧. شاوورو السكان قبل ما يركبو البرج؟

---

٨. شو قرر فؤاد بالآخر؟

---

٩. وين رح تدور سناء ع شقق و مين رح تسأل؟

---

## بدنا نرحل

### النص

عيلة فؤاد كبرت و زادت، لهيك، قرّر فؤاد إنو يرحل من البيت اللي ساكنين فيه. قعد فؤاد مع مرتو سناء و تناقشو بموضوع الرّحيل.

\_فؤاد: و الله يا سناء عيلتنا كبرت، و هالبيت بطلّ يوسعنا. لازم ندورّ ع بيت تاني يكون كبير و واسع و بمنطقة هادية مش مثل منطقتنا هاي.

\_سناء: اه و الله كلامك صحيح. الولاد لازم يتوسعو و يكون الهم غرف منفصلة عن بعض. زيد و محمد يكون الهم غرفة لحال و ريم يكون الها غرفة لحالها، مع انها صغيرة بس لازم يكون الها غرفتها الخاصة و تكون مستقلة عن اخوانها. \_فؤاد: صحيح. الولاد غير عن البنات، البنات بحبو الترتيب و بحبو كل شي يكون بمكانو و زيد و محمد كتير فوضويين. لما نفصلهم زيد و محمد رح يتعلمو يعتمدو عخالهم و يرتبو كل شي و ريم بتحافظ ع غرفتها و اغراضها مرتبين و مثل ما بدها.

\_سناء: بالزبط هاي الفكرة اللي بدي أوصلك اياها. و شغلة تانية، منطقتنا هون شوي مزعجة! يعني سيارات رايجة جاية و الولاد اللي بالشارع بضلو يلعبو فطبول و أصواتهم واصله لآخر الدنيا و الكلب اللي عند جيرانا بضل يعوي ليل و نهار. يعني لازم عن جد نلاقي بيت عن قريب و نرحل.

\_فؤاد: فعلاً المنطقة صايرة كثير مزعجة و الواحد مش عارف يرتاح فيها بالمرّة.  
سيارات و أولاد و حيوانات، أي و الله الإزعاج بأثر عقل و بدن الواحد.  
\_سناء: مزبوط! لا عارفين ننام ولا عارفين نعمل إشي. بعدين شغلة تانية، شركة  
"أورانج"

بدها تركب برج اتّصال ع سطح العمارة مشان يقوي البث و الارسال بالمنطقة. و  
هاد الإشي كثير بأثر علينا يعني اشاعات و اشارات.

\_فؤاد: عن جد؟ متى قررو يركبوه؟

\_سناء: مبارح إجا الحارس حكالنا انو بدهم يركبوه الأسبوع الجاي.

\_فؤاد: المفروض إنهم شأورو سگان العمارة قبل ما يركبوه مشان يكونو الكل  
متفقين و ما يصير مشاكل. في ناس يمكن تعارض الفكرة و رح يصير مشاكل  
هيك.

\_سناء: اه و الله لازم شأورونا.

\_فؤاد: خلص إذا، من بكرة أنا رح ادور عشق تكون مثل المواصفات اللي بدنا  
اياها و بمنطقة هادية مثل ما بدنا.

\_سناء: و أنا كمان رح ادور بالجرايد و اسأل صاحباتي كمان إذا في حوالليهم  
شقق مرتبة للبيع، و ان شالله بنلاقي اللي بدنا اياه و بسرعة.



## الدرس عشرين

# يوم مركب



التدريب الأول :

المصطلحات المهمة في النص :

١. مكركب

٢. خليها بالقلب تجرح ولا تطلع لبرا وتفضح

٣. فضفضي

٤. يا دوب

٥. العجقة

٦. سمت بدني

٧. شغل مثلتل

٨. طوابير طوابير

٩. أول بأول

١٠. تربط معي

## التدريب الثاني :

### استخدم هاي الكلمات بجمل مفيدة:

كعادة	أفت	مركب
فضفضي	صار معي ١٠٠ شغلة	خليها بالقلب تجرح ولا تطلع لبرا وتفضح
ايش مالك؟	يا دوب	اعطتني محاضرة
مو بس هيك	كملت علي	العجقة
لا تراكمي	الله يسامحك	سمت بدني
لقيت الشغل	المراجعين طوابير طوابير	شغل متل
هيني	يوجهك إنتقاد	أول بأول
هالنهار	يزعل	تربط معي

التدريب الثالث:

جاوب على الأسئلة حسب ما فهمت من النص:

١. ليش سارة معصبة؟

---

٢. شو صار لليوم مع سارة؟

---

٣. شو حكى المدير لسارة؟ ولىش؟

---

٤. شو لقت سارة لما راحت على المكتب؟

---

٥. شو النصيحة يلي اعطتها لها لسارة؟

---

## يوم مكرب

### النص

سارة: افت شو هالنهار المكرب من أوله

مها: ايش مالك شو في ؟ ليش معصبة ؟

سارة : انا اليوم صار معي ١٠٠ شغلة شو أحكيك لأحكيك خليها بالقلب  
تجرح ولا تطلع لبرا وتفضح .

مها : أحكي فضفضي

سارة: اليوم صحيت متأخرة كثير ويا دوب البست ولبست الأولاد بسرعة وطلعت  
من البيت وصلت الأولاد على المدرسة و رحت على الشغل والله ما بعرف كيف  
وصلت من العجقة يلي كنت فيها .

مها : طيب

سارة : طبعا وصلت متأخرة على الشغل والمديرة كالعادة اعطتني محاضرة عن  
احترام أوقات العمل وتنظيم الوقت .سمت بدني . لا ومو بس هيك كملت علي لما  
رحت على المكتب ولقيت الشغل متتل والمراجعين طوابير طوابير .

مها: ييي إنتي كمان الله يسامحك خلصي شغلك أول بأول لا تراكمي عليكي  
ونظمي وقتك صح وقتها ما حدا رح يزعل منك أو يوجهك اي انتقاد.

سارة: هيني كل مرة بحاول اعمل هيك وان شاء الله المرة هاي تربط معي .

مها: ان شاء الله .

## الدرس الواحد و عشرين

# عيد الأُمم





## التدريب الأول

### المصطلحات المهمة في النص:

١. عيد الأم

٢. سنسال ذهب

٣. عالفاضي

٤. تضبو

٥. لبسة

٦. شافو

٧. بتستخدموا

٨. أواعي

٩. يأمّتلو

## التدريب الثاني:

### استخدم هاي الكلمات بجمل مفيدة:

عالفاضي	سنسال ذهب	عيد الأم
الكولكشن	لبسة	تضبو
أواعي	بتستخدمو	شافو
يجيبو	محتارين	يأمنلو
غسالة أوتوماتيك	يفكرو	تشتري
لازم نلاقيلنا	عارفة	تتذكرنا
اقتنع	جبتها و الله	عطور و كريمات
راقبين	يختارو	يطلعو

التدريب الثالث:

جاوب على الأسئلة حسب ما فهمت من النص:

١. متى رح يكون عيد الأم؟

---

٢. شو بتفكر سلمى تجيب لأمها؟

---

٣. شو رأي أنس بالنسبة لفكرة سلمى؟

---

٤. اقترح أنس شغلة تانية و ما وافقت عليها سلمى، شو هي؟

---

٥. سلمى اقترحت شغلة تانية، شو هي؟

---

٦. شو رأي أنس باقتراح سلمى التاني؟

---

٧. شو هي الهدية اللي اتفقو سلمى و أنس يجيبوها بالآخر؟

---

٨. شو رح يجيب الأب هدية؟

---

٩. متى رح يطلعو عالسوق يجيبو الهدايا؟

---

## عيد الأم

### النص

بعد أسبوع رح يكون عيد الأم، و سلمى و أخوها أنس محتارين شو بدهم يجيبو  
لأمهم هديّه. سلمى بتفكر تشتري لأمها سنسال ذهب. بس أنس بقول إنو أمّو ما  
بتلبس سناسيل كثير و بهيك رح يجيبو سنسال الذهب ع الفاضي. قعدو يفكرو  
كثير و ضلّو محتارين كثير.

\_أنس: سلمى، شو رأيك نجيبها غسّالة أوتوماتيك و خلص؟

\_سلمى: لا شو غسّالة أوتوماتيك! أنا حابة اجيبها إشي تلبسو و تضلها تتزكرنا  
فيه مو غسّالة.

\_أنس: طيب يعني زي شو، إنت شو في ببالك؟

\_سلمى: يعني أنا بقول نجيبها طقم اكسسوارات هيك راقى و راكز.

\_أنس: ولك ما إنت عارفة إمك ما بتلبس هاي الشغلات! يعني رح تجيبو و  
تشوفو و تنبسط عليه و تضبو بالخزانة.

\_سلمى: طب و بعدين يعني، لازم نلاقينا شغلة حلوة نجيبها.

\_أنس: طيب يلا فكري و أنا بنفّذ.

\_سلمى: شو رأيك نجيبها لبسة؟

\_أنس: قولتك؟ يعني نجيبها لبسة؟ و مع اللبسة كمان بنجيبها الكولكشن هاي

اللي فيها عطور و كريّمات. شو رأيك؟

\_سلمى: جبتها و الله. هيك طلعت بتفكر سيدّ أنس!

\_أنس: اه ولا شو بتفكري إنت.

راح سلمى و أنس و حكو لأبوهم عن فكرتهم و حكولو انو هاد أنسب إشي ممكن يجيبوه لأهم بعيد الأم. ما بدهم يجيبو إشي للبيت مثل الغسّالة و ما بدهم كمان يجيبو إشي هيّ ما بتستخدمو. مشان هيك شافو إنو أنسب إشي هي الفكرة اللي حكاها أنس. اقتنع أبوهم بكلامهم و حكالهم إنو هو كمان رح يجيبها تلفون جديد و بهيك الكلّ بكون جاب هديّه للأم بعيد الأم.

اتفقو إنهم يطلعو بعد يومين عالسوق و يروحو يختارو أواعي و عطور و كريّمات يكونو راقيين و حلوين، أمّا الأب كان متفق مع محلّ التلفونات إنو يأمنلو تلفون جديد و حلو.